

天津縣志

72576

恩

第一冊

序

凡例

纂修職名

目錄

圖

卷之一

紀

天津縣志序

予既序天津府志而邑令復以縣志告成爲請予惟縣志之作較難於府其體裁之詳略又有與府小異者蓋府雖新設所領縣多分自河間河間故文獻地

各邑舊自有志縱散失殘闕猶什存二三不難搜羅而得津邑特肇端於衛則肇端於海津鎮元以前宵無可考焉即自前明設衛而後亦祇爲軍勳屯占漕粟估鹽之地非有聲明

文物之可觀而舊志又復  
艸之此編摩討論之所以  
不易也然既筆而志之將  
以信今傳後則紀載之詳  
必加於府志而後可何者  
府之所轄地廣而事繁貴  
在挈其大綱標其肯要至

於纖悉遺漏初無大害以  
猶有縣志可稽也縣志專  
載一邑之事一切源流因  
革文物制度設有幾微之  
未備則竟湮沒不傳已耳  
後之人何以采風而考俗  
因其地而善為之治耶先

是浙東吳汪兩君惠臨是  
邦任二志事兩君博物大  
雅有良史才與守若令悉  
心採輯予最後抵此亦間  
效一得之愚未幾吳君奉  
徵入都獨汪君竟其業於縣志  
尤積勞勤焉揔而觀之條

分縷析網舉目張不附會  
以誇多不鋪張而失實雖  
規模未能宏遠而耳目所  
及庶乎無罅漏之譏矣自  
古運會所開日趨於盛天  
津密邇首善沐浴  
雅化百年於茲重以

聖天子教養之恩至深極渥。比  
年來戶口倍增，科名林立，  
而節孝任卹之行亦指不  
勝屈。則自今以遙，人民之  
殷阜俊乂之衆多，禮樂之  
明備，必有什百於。是編之  
所載者，吾方與司牧者早

夜孜之舉，所謂教化風俗  
之源，休養利濟之事，率作  
而力行之，期漸收夫成效，  
以待後之輯志者採入焉。  
此區區之心，已見於府志  
一序而不覺其言之重且  
長也。

乾隆四年歲次己未七月  
朔日

賜進士出身直隸分巡天津河  
間等處地方兼理河務布  
政使司叅政紀錄一次桂  
林陳弘謀序





不日一曰或緩必先是前  
守桂林李公議昨創脩  
郡志會以擢去不果予  
豕之來茲可擬嗣行焉  
山陰朱君出宰津邑不  
期月之政年於茲理上

以邑志未備為請予欣  
然從之。上者制而監之。  
俱蒙報可。遂延名產。  
用為樞纂。起例散凡。  
合郡邑二志。同輯之。以  
退之暇。刪繁就簡。簡敘

一得之思。迨二年先後  
告成。郡志予既序而銀  
之木矣。邑志續竣。朱君  
復囑予為序。予惟志  
體要。振祇。於為。里。禹。貢。  
周禮職方氏。自曰。馬。子。

長易編年為紀傳而禮  
樂河渠平準有書。班  
氏曰之作。志至於都  
祀食貨地。里溝洫。藝  
文。尤加詳焉。繼以相仍  
不。改。則志者實經史。

遺軌生可爲馬而化也  
乎況津邑地屬赤望密  
迹  
神系舟車輻輳冠蓋如  
望四方宦遊及銜命出  
入者多由之則勅成一

書以供輜軒之采較他  
邑爲佳難矣是志稿屬  
草創無粉本可憑乃經  
羅掌函討覈基詳篇  
首恭列紀

恩昭王澤也載紀

聖制煥日章也。志海防以詳  
兵制。重設陸之義也。志  
鹽筭以考方輸。表物土  
之宜也。志河渠以察疏  
濬。若平成之績也。他家  
風出之剛柔。物力之豐

耗民俗之淳漓。建置之  
因革。條其經紀。靡有闕  
失。至人物列也。更詳加諮  
訪。不啻美不泯善。以敢  
無負。身撰述之旨。洵可  
云典而且實。贍而不蕪者。

美使念

國家

列聖相承，懷洋恩普，其於三輔  
之地，加惠尤渥。我

皇上臨御，以才仁育義，正丕  
顯丕承，頻年水滂，偶

天津縣志

序

六

愆

賜蠲賜賑，恤澤詎敷，復

詔弛洋禁，俾通海運，以濟民

食，窮黎被腹，如履豐

年，自是以往，予願邑之

為士女，敦訪說禮，居可

儀型鄉里出可以黼黻

廟堂農力穡而耕於野女

童高慤蓋砥節而礪行

以仰副

聖天子生養噢咻之至意使

後之嗣而葺之者大

書特也謂

帝澤之汪濊如是津民之

欲如是庶幾輯志

私藉以少慰而予與賢

命所厚期於津之士民

者三為不真也夫

乾隆四年七月

誥授中憲大夫知直隸天津

府事新安程鳳文撰



天津縣志序

邑之有志為宰是邑者示  
所從也。余昔刺淮郡。當淮  
黃二水之交。所屬時患水。  
特志以傳之。歲丁巳。奉  
命承乏是邑。邑故擅魚鹽利。有  
饒裕名。管子所謂海王國。

宦遊人多豔稱之。余按史  
傳。燕齊有事。必先勃海。自  
表。曹構兵及宋遼畫界。其  
間僭竊割據。如劉霸道。格  
謙。劉黑闥。高開道。李同捷。  
劉守光。輩。世世有之。元明  
為三輔地。而毛貴。劉六。趙

燧猶先後弄兵於此。則民無寧居久矣。又地為畿南三百餘水入海之衝。夏汛秋霖。橫流常溢。為居民憂。余莅邑甫三載。而災已再告。斯民亦重困矣。此而不為之志。以傳俾後之人。

第以饒裕日之。不復求軫恤之方。是益病吾民也。邑故衛地。衛志有胡文璧本。甚佳。然不可得。今所存惟康熙間本。草草成書。體裁多未備。生民利害之大。又無論矣。前令利津張君有

志於此。嗣以憂去任。余上其事。憲司報可。會吳內史東璧注徵士。西顥流寓京師。敬延來津。相與考訂。書將成。會內史奉

徵入禮館。屬徵士竟其業。書成。凡如干卷。雖載籍未備。固

陋難辭。而耳目所及。不敢槩從其略。考地官大司徒之屬。誦訓掌道地。愚說經者曰。慝惡也。如惡風惡氣。惡山惡水之類。蓋民情疾苦。不壅於上。聞如此。今邑民之災。雖曰天行。要由地